



Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 100. Joannes Franciscus Cardinalis Albanus in Papam electus, &
Clemens XI. nominatus.

[urn:nbn:de:hbz:466:1-67627](#)

Annuebant suis quoque suffragiis cuncti Sæc. XVII.
 Cardinales, quos Zelantes vocant, his A.C. 1700.
 pariter accessere alii Ottobono Cardi-
 nali adhærentes: altero igitur die jam-
 jam in proxima scrutatione præfatus
 Cardinalis Albanus quadraginta suffra-
 gia solus tulerat: Huic ergo ceteri
 quoque Purpurati summa ac plane in-
 sueta animorum studiorumque consen-
 sione supremam Ecclesiæ dignitatem
 offerunt, ac ceteris æmulis, etsi
 ætate multum superiores essent, præ-
 termis eundem in Papam procla-
 mant, quamvis quinquagesimum pri-
 mum ætatis suæ annum vix exceperisset,
 præteritisque temporibus senectus præ-
 validum suffragium in Pontificum ele-
 ctionibus esse consuevisset.

§. C.

*Joannes Franciscus Cardinalis Al-
 banus in Papam electus, & Cle-
 mens XI. nominatus.*

Communi Purpuratorum consensu *Misson. Itin.*
 peracta electione, solus Cardinalis *append.*
 Albanus se tanto honore indignissimum, *pag. 379.*
 tantoque oneri imparem reputabat: *Act. Lippf.*
 quocirca fusis largiter lacrimis copio- *Epist. fam.*
 fisque precibus Tiaram Pontificiam *Zalusky*
 in digniorem se transferri non modo ro-
 gabat, sed & præcipiebat, utque Pur-
 pura-

Sæc. XVII. puratos ad sua vota eo validius inclinatus. A. C. 1700. naret, eo etiam utebatur argumento, afferens, se tenero nimis affectu amplexi familiam suam, proin vereri, ne superatus ab hoc amore Bullam contra Nepotismum nuper editam, suoque olim chirographo ac juramento firmatam non sine perjurio, omniumque offensione violaret: Integrum triduum non sine raro modestiæ exemplo tenuit Albani cunctatio, deprecatio, ac constans repugnantia: nec ullo pacto ejus animus expugnari potuisset, nisi ex Theologis celeberrimi eidem demonstrassent, quod spectata Electorum in proposito firmitate, ex qua Dei voluntas sat luculenter pateret, diutius factæ electioni sine gravi noxa obsistere haud posset: Tandem ergo horum consiliis cessit, ac inter suspiria & lacrimas manus ad Ecclesiæ clavum admovit, atque in honorem S. Clementis Papæ & Martyris, cuius memoria eo die recolebatur, Clementis XI. nomen assumpsit. Nondum erat Episcopali dignitate insignitus, quo circa a Cardinali Bullionio Episcopus consecratus, die octava Decembris Pontificia tiara sollemni ritu inter festivas Urbis & Orbis acclamations coronatus est. Vix Pontificatum auspicatus erat, cum illico suis Consanguineis denuntiaret, se de Con-

Constitutione Prædecessoris sui contra Sæc. XVII.
 Nepotismum ne latum unquem disces- A. C. 1700.
 surum. Haud silentio prætereundum
 videtur, a probatæ fidei Scriptoribus
 referri, quod statim post Innocenti XII.
 obitum Andreas Chrysostomus Zaluscki
 Warmiensis Episcopus omnium Cardi-
 nalium nomina separatis schedulis in-
 scripsit, easque in urnam conjici &
 per Nepotem suum, quinquennem pue-
 rum unam extrahi jussit, solum au-
 tem Francisci Albani nomen tribus vi-
 cibus ex urna a præfato puero extra-
 sum fuerit.

§. CI.

Hujus Pontificis gesta ante Pontifi- catum.

Natus erat Joannes Franciscus Urbini
 die vigesima tertia Julii anno Christi
 millesimo sexcentesimo quadragesimo
 nono ex illustri ac prædivite Albano-
 rum familia: Nondum attigerat ter-
 tium ætatis annum, cum jamjam He-
 lena Mosca Matre sua orbatus esset: a
 suo tamen Patre Carolo, cui sedula
 Filii sui educatio maxime cordi erat,
 undecim annos natus Romam per-
 ductus, ibidem liberalibus disciplinis,
 eloquentiæ præfertim, moxque gravio-
 ribus Philosophiæ & Theologiæ, ac
 utrius-